

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
SKUPŠTINA KANTONA SARAJEVO

VLADA KANTONA SARAJEVO

PREDMET: ZASTUPNIČKA INICIJATIVA

Nakon niza ponovljenih inicijativa Ministarstvu zdravstva Kantona Sarajevo da riješi problem implementacije Odluke o utvrđivanju osnovnog paketa zdravstvenih prava FBiH (Službene novine FBiH 21/09), odnosno problem finansiranja Paketa zdravstvenih prava za neosigurana lica u Kantonu Sarajevo, inicijativu prosljeđujem Vladi na očitovanje.

Molim Vladu Kantona Sarajevo:

- Da zaduži Ministarstvo zdravstva i Zavod zdravstvenog osiguranja Kantona Sarajevo da prikupe podatke o broju neosiguranih lica u Kantonu Sarajevo i naprave procjenu potrebnih finansijskih sredstava za sprovođenje navedene Odluke.
- Da u suradnji sa općinama nađe adekvatan model finansiranja ovog prava.

OBRAZLOŽENJE:

Neosigurana lica u Kantonu Sarajevo ne mogu ostvariti pravo na zdravstvenu zaštitu obuhvaćenu Paketom zdravstvenih prava za neosigurana lica, osim ako spadaju u kategoriju socijalnih slučajeva ili se nalaze na evidenciji Službe za zapošljavanje kao nezaposlene osobe. Ovim se derogiraju propisi FBiH i krše prava na zdravstvenu zaštitu najugroženijim kategorijama neosiguranih lica oboljelim od teških zaraznih bolesti, hroničnih bolesti, onemogućava se zdravstvena zaštita trudnicama tokom trudnoće, poroda i eventualnih postnatalnih komplikacija, te drugim kategorijama navedenim u Odluci. Ovaj problem je posebno važan zbog populacione politike, kako će Vlada reći da je osigurala bolje uvjete mladima za stvaranje porodice ako budućim majkama ne obezbijedi zdravstveno osiguranje u toku trudnoće i nakon poroda.

Zdravstvena zaštita za osobe navedene u Odluci se trenutno naplaćuju, a trebala bi se finansirati iz budžeta kantona ili općina prema mjestu zadnjeg prebivališta neosiguranog lica. Zato molim Vladu da hitno pristupi rješavanju navedenog problema.

Sarajevo, 05.03.2018. godine

Zastupnica  
Mersiha Menmedagić